

**Мәскеу және бүкіл Русь Патриархы
Кириллдың архипастырларға, пастырларға диакондарға,
монах қызметіндегілерге және барлық Орыс Православие Қауымының
сенімді ұл-қыздарына Пасхалық жолдауы**

**Құдай үшін Сүйікті аса қасиетті
архипастырлар, қадірлі пресвитерлер мен диакондар,
Құдайды сүйген иноктар мен инокинялар, қымбатты
аға-інілер мен әпке-қарындастар!**

Сіздерге қуанышпен көне және барлық уақытта да жаңа және өмір орнықтырушы жеңісті
леппен сәлем беремін:

ХРИСТОС ТІРІЛДІ!

Осы ақиқатты рұхтандыратын ғажайыпты ұйқасымда – біздің сеніміміздің іргетасы, үмітіміздің сыйы, махаббатымыздың қайнаркөзі бар.

Кеше ғана Құдай Иенің үйренушілерімен бірге өзіміздің сүйікті Ұзтазымыздың өліміне қайғырғанбыз, ал бүгін – көрінетін және көрінбейтін бүкіл әлеммен бірге қуаныштан шаттанамыз: *«Христос тіріліп тұрды, мәңгі шаттық»* (Киелі Пасха Каноны). Кеше ғана, соңғы үмітімізді жоғалтқандай болдық, ал бүгін мәңгі өмірге тұрақты үміт *Құдай Патшалығында сөнбейтін жарық алдық*. Кеше ғана шіру елесі жер бетіндегі өмірдің мағынасын күмәнға салып, жанды заттың үстінен қарады, ал бүгін біз барлығына және әр қайсына Өмірдің өлімді жеңуін жариалаймыз.

Құдайдан шабыт алған апостол Павел сол бұрын болған, бірақ әр христианинге жақын түннің кереметінің мағынасы жайында айта, бұл оқиғаның біздің сенімімізге маңызды екенін тікелей айтады. Егер *«Христос өлімнен тірілмесе, онда біздің уағызымыз да бекер, сендердің сенімдерің де бекер»* (1 Кор. 15, 14). Христостың Пасхасы – христианствоның өзегі және еңсерілмейтін күші: ол киелі Мәскеу епископі Филаретінің сөзі бойынша, *үмітті орнатады, махаббатты жалындандырады, мінажаты қанаттандырады, нұр жаудырады, даналықты ағартады, әртүрлі қауіп-қатерді, өлімнің өзін де жойып, өмірге өмірлік береді, шаттықты арман емес, ал шындық етеді, даңқты – елес емес, бірақ бәрін жарықтандырып, ешкімді зақымдамайтын мәңгі жарықтың мәңгі найзағайы* (Киелі Пасха күні айтқан сөз, 1826 жыл).

Христостың өлімнен Тірілуіне деген сенім, денеленіп келген Құдай Ұлы адамзаттың күнәсін өтеп, күнәнің және өлімнің кісенін үзіп, бізге шынайы бостандық және Жаратушымызбен бірге болу қуанышы екені, Қауымның сенімімен байланысты. Құтқарушының бұл бағасыз сыйына киелі епископ Иоанн Златоустың айтуынша *сенім тойы рахатына* бөліну үшін православиелік храмдарда жиналған осы нұрлы түнде толығымен бәріміз қатыстымыз.

Пасха – Құтқарушының қайғы-қасірет пен Голгофа Құрбандығымен аяқталан азапты жолының шарықтау шегі. Киелі әкелердің, сонымен қатар литургикалық мәтіндерде Христос бірнеше рет *«біздің құтқарылуымыздың ерлігін Орнатушы»* – деп аталады. *«Сендерге үлгі бердім»* (Ин. 13, 15), – деп Құдай Ие, барлығымызды Одан үлгі алуға шақырады.

Бірақ қалай біз Құтқарушының жолын қуа аламыз? Кәзіргі заманның шындығына жарасу үшін ерлігіміз қандай болу керек? Бұл сөзді айтқан кезімізде бүгінгі күні адамдардың санасына жиі тарихи қайраткер әлде бұрынғы заманның белгілі қаһарманының, аңыз батырының бейнесі түседі. Бірақ ерліктің мағынасы үлкен даңққа ие болуда әлде әйгілі болуда емес. Ішкі күш салуымен өзгерісін байланысты және өзіндік ұстамдылық ерлігі арқылы, нағыз және кемел құнды махаббаттың не екенін тәжірбиелі білеміз, өйткені қандай да болса ерліктің негізін құраған құрбандық, бұл сезімнің ең жоғарғы райы.

Құдай Ие бізді жақынымызға орнықты және жанкешті қызмет етуге, әсіресе біздің көмегімізге қажеттенген: қайғырғандарға, сырқаттанғандарға, жалғыздарға, жабығып жүргендерге әрекетті сүйіспеншілік көрсетуге шақырады. Егер бұл Құтқарушының Өзінің өмірінде анық

көрсетілген өмір заңы көпшіліктің игіліне кірсе, онда адамдар шын мәнінде де бақытты болады. Өйткені басқаларға қызмет ете, адам бергенінен де көп табады: Құдайдың Өзі сонда оның жүрегіне енеді, және Құдайдың нұр жауған дәулеті арқылы адамның бүкіл өмірі өзгереді. Еңбексіз киелікке жету мүмкін емес болғандай, Голгофасыз өлімнен Тірілу мүмкін емес, сол сияқты ерліксіз адамның шынайы рухани-өнегелік өзгеруі мүмкін емес.

Ерліктің Бір адамның ғана емес, бірақ барлық халықтың өмірінің мағынасына айналған кезде, жоғарғы мұратын және құндылығын қорғауға, өздерінің Отанын қорғауға дайын тұрған миллиондаған адамдардың жүректері жоғарыға ұмытылғанда, сол кезде шынымен де таңғаларлық, ғажайып, кейде формалды логикалық көзқараспен түсініксіз құбылыстар болады. Бұндай халық, оны ешқандай апат және жаулар төтеп бере алмайтын күш алады. Бұл сөздердің шындығының жарқын куәлігі біздің халқымыздың айбынбайтын ерлігімен жеткен Ұлы Отан соғысындағы Жеңісі болып табылады. Осы жылы біз 70-жылдық даңқты датаның салтанатын атап өтеміз.

Қайғы-қасірет және азғыру кезінде біз тыныштық және батылдық сақтауымыз керек, өйткені бізге жұлымдықтың жеңілуі жайында айтылған. Біздің жабырқап, безек қағуымыз керек пе! Біз Христос Қауымын құраймыз, оны Құдай Иенің айтқан сөзі бойынша тозақтың қақпасы жеңе алмайды (Мф. 16, 18), және біз жайында Құдайлы Хабар былай дейді, *«Құдай олардың көзінің жасын сүртеді, және өлім енді болмайды; жылау да, зар еңіреу де, ауыру да енді болмайды, өйткені өткен кетті»* (Откр. 21, 3-4).

Барлықтарыңа, аса қасиетті ағайындас архипастырларға, қадірлі әкелерге, қымбатты аға-інілер мен әпке-қарындасстарға өлімді Жеңген Құдай Иеден рухани күш және сенімге беріктік, бейбітшілік және таусылмайтын қуаныш тілеймін. Христостың өлімнен Тірілген жарығымен жарықтанып және пасхалық ғажайыптың құпиясына қатысты болып, біздің салтанатты қуанышымызбен бөлісіп, жақындарымызға және алыстағыларға көрден Тіріліп Тұрған Құтқарушыға куәгер боламыз.

Біздің өміріміздің әр күнінде жалынды пасхалық ізгілікті хабардың сөзі өзгеріссіз жанымызды жылытып және жұбатып, өмірдің шынайы қуанышын сездіріп және игілікті істерге бағыттасын:

**ХРИСТОС ТІРІЛДІ!
ШЫНЫМЕНДЕ ТІРІЛДІ!**

МӘСКЕУ ЖӘНЕ БҮКІЛ РУСЬ ПАТРИАРХЫ

Мәскеу
Христос Пасхасы,
2015 жыл